

Certificirani polaznici četvrte Akademije za prevenciju maloljetničkog prijestupništva

Udruženje za demokratski razvoj „ProActa“ 01.02.2018. godine i Pravni fakultet u Sarajevu, u saradnji sa Federalnim ministarstvom kulture i sporta i Kabinetom premijera Kantona Sarajevo, organizirali su certificiranje polaznika četvrte Akademije za prevenciju maloljetničkog prijestupništva u prostorijama Pravnog fakulteta.

Tom prilikom prisutnim se obratila **dekanesa Pravnog fakulteta u Sarajevu, prof.dr. Hajrija Sijerčić-Čolić** koja je polaznicima dodjelila certifikate o stečenom znanju.

Akademija je organizirana za **40 studenata sa 7 fakulteta Univerziteta u Sarajevu** čije oblasti tretiraju maloljetničko prijestupništvo kako bi se izgradio multidisciplinarni pristup u edukaciji i praktičnoj primjeni usvojenih znanja, te potakli studenti da budu educirani o ovoj problematici na cjelovit način, da razumiju uloge i odgovornosti vlastite profesije u preveniranju problematike maloljetničkog prijestupništva, te uloge i odgovornosti drugih profesija.

Sedam modula koji su sadržavali teorijska predavanja i praktične vježbe vodili su univerzitetski profesori i praktičari iz ove oblasti o sljedećim temama:

„Prevencija maloljetničke delinkvencije: programi zasnovani na dokazima“; „Rizična ponašanja-prikaz slučajeva; „Krivično-pravna zaštita maloljetnika u sukobu sa zakonom“; „Praktični značaj pravovremene dijagnostike za efikasan tretman poremećaja ponašanja“; „Mentalno zdravlje i nasilje“; „Mogućnost primjene policijskog upozorenja u domenu prekršajnog prava“; „Sport, slobodno vrijeme i mladi“; „Razvoj sporta kroz institucionalnu podršku“; „Djeca i mladi u riziku“; „Alternativne mjere za djecu u sukobu sa zakonom - problemski orijentisan pristup medija i medijska podrška“; „Pisanje projekta“ i „Projektno lobiranje“.

Uz podršku **Ministarstva obrazovanja, nauke i mladih KS**, planirano je da studenti primjene stečena kroz sadržaj aktivnosti **„Kreativni i aktivni“** koji podrazumjeva edukativne radionice sa srednjoškolcima.